

ההרים ותשמענה הגבעות קולך ;  
שמעו הרים את-ריב יהוה והאתנים מסדי  
ארץ כי ריב ליהוה עם-עמו ועם -  
ישראל יתופח: עמי מה-עשיתי לך  
ומה הלאתיך ענה בי: כי העלתיך  
מארץ מצרים ומבית עבדים פדיתך  
ואשלח לפניך את-משה אהרן  
ומרים: עמי זכר-נא מה-יעץ בלך מלך  
מואב ומה-ענה אתו בלעם בן-בעור  
מז-השטים עד-הגלגל למען דעת  
צדקות יהוה: במה אקדם יהוה אפף  
לאלהי מרום האקדמנו בעוללות  
בעגלים בני שנה: הירצה יהוה  
באלפי אילים ברכבות נחלי-שמן  
האתן בכורי פשעי פרי בטני חטאת  
נפשי: הגיד לך אדם מה-טוב ומה-  
יהוה דורש ממך כי אם-עשורת  
משפט ואהבת חסד והצנע לכת  
עם-אלהיך:

## הפטרת פינחס

מלכים א'

Beth Emeth Baïs Yehudah Brotherhood  
Downsview, Ontario

דאונקוויו, אונטריו      אגודת אחים בית אמת בית יהודה

ויד-יהוה היתה אל-אליהו וישנס  
מתניו וירץ לפני אחאב עד-באכרה  
זרעאלה: ויגד אחאב לאיזבל את  
כל-אשר עשה אליהו ואת כל-אשר  
הרג את-כל הנביאים בחרב: ותשלח  
איזבל מלאך אל-אליהו לאמר פה-  
יעשון אלהים וכה יספון כי-כעת מחר  
אשים את-נפשך כנפש אחד מהם:  
וירא ויקם וילך אל-נפשו ויבא באר  
שבע אשר ליהודה וינח את-נערו  
שם: והוא הלך במדבר דרך יום

ויבא וישב תחת רתם אחד וישאל  
את-נפשו למוות ויאמר רב עתה  
יהוה קח נפשי כי לא-טוב אנכי  
מאבתי: וישכב וישן תחת רתם אחד  
והנה-זה מלאך נגע בו ויאמר לו  
קום אכול: ויבט והנה מראשו-ניו  
ענת רצפים וצפחת מים ויאכל וישת  
וישב וישכב: וישב מלאך יהוה  
ושנית ונגע-בו ויאמר קום אכל כי רב  
ממך הדרך: ויקם ויאכל וישתה וילך  
בכח האכילה ההיא ארבעים יום  
וארבעים לילה עד הר האלהים חרב:  
ויבא שם אל-המערה וילן שם והנה  
דבר-יהוה אליו ויאמר לו מה-לך פה  
אליהו: ויאמר קנא קנאתי ליהוה  
אלהי צבאות כי-עזבו בריתך בני  
ישראל את-מזבחתך הרסו ואת-  
נביאיך הרגו בחרב ואותר אני לבדי  
ויבקשו את-נפשי לקחתה: ויאמר  
צא ועמדת בהר לפני יהוה והנה  
יהוה עבר ורוח גדולה וחקק מפרק  
הרים ומשבר סלעים לפני יהוה לא  
ברוח יהוה ואחר הרוח רעש לא  
ברעש יהוה: ואחר הרעש אש לא  
באש יהוה ואחר האש קול דממה  
דקה: ויהי וכשמע אליהו וילט פניו  
באדרתו ויצא ויעמד פתח המערה  
והנה אליו קול ויאמר מה-לך פה  
אליהו: ויאמר קנא קנאתי ליהוה  
אלהי צבאות כי-עזבו בריתך בני  
ישראל את-מזבחתך הרסו ואת-  
נביאיך הרגו בחרב ואותר אני  
לבדי ויבקשו את-נפשי לקחתה:  
ויאמר יהוה אליו לך שוב לדרכך  
מדברה דמשק ובאת ומשחת את-

חזאל למלך על-ארם: ואת יהוא בן  
 נמשי תמשח למלך על-ישראל ואת  
 אלישע בן-שפט מאכל מחוללה.  
 תמשח לנביא תחתך: והיה הנמלט  
 מחרב חזאל ימית יהוא והנמלט  
 מחרב יהוא ימית אלישע: והשארתי  
 בישראל שבעת אלפים כל-הברכים  
 אשר לא-כרעו לבעל וכל הפה  
 אשר לא-נשק לו: וילך משם וימצא  
 את אלישע בן-שפט והוא חרש  
 שנים-עשר צמדים לפניו ורוא  
 בשנים העשר ויעבר אליהו אליו  
 וישלך אדרתו אליו: ויעזב את-  
 הבקר וירץ אחרי אליהו ויאמר  
 אשקה נא לאבי ולאמי ואלכרה  
 אחריך ויאמר לו לך שוב כי מה-  
 עשיתי לך: וישב מאחוריו ויקח את-  
 צמד הבקר ויזבחהו ובכלי הבקר  
 בשלם הבשר ויתן לעם ויאכרו  
 ויקם וילך אחרי אליהו וישרתהו:

הפטרה ראשונה:  
 דפור עלוונא

ירמיהא  
 Beth Tzedec Men's Club Toronto, Ontario  
 טורונטו, אונטריו אגודת אחים בית צדק

דברי ירמיהו בן-חלקיהו מן  
 הכהנים אשר בענתות בארץ בנימן:  
 אשר היה דבר-יהוה אליו בימי  
 יאשיהו בן-אמון מלך יהודה בשלש-  
 עשרה שנה למלכו: ויהי בימי יהויקים  
 בן-יאשיהו מלך יהודה עד-הגם  
 עשתי-עשרה שנה לצדקיהו בן-  
 יאשיהו מלך יהודה עד-גלות  
 ירושלם בחדש החמישי: ויהי  
 דבר-יהוה אלי לאמר: בטרם אצרך

כבטן ידעתך ובטרם תצא מרחם  
 הקדשתך נביא לגוים נתתך: ואמר  
 אהה אדני יהוה הנה לא-ידעתי  
 דבר כי-נער אנכי: ויאמר יהוה אלי  
 אל-תאמר נער אנכי כי-על-כל  
 אשר אשלחך תלך ואת כל-אשר  
 אצוך תדבר: אל-תרא מפניהם כי-  
 אתך אני להצילך נאם-יהוה: וישלח  
 יהוה את-ידו ויצע על-פי ויאמר  
 יהוה אלי הנה נתתי דברי בפוך:  
 ראה הפקדתך היום הזה על-הגוים  
 ועל-הממלכות לנרוש ולנטוץ  
 ולהאביד ולהרוס לבנות ולנטוע:  
 ויהי דבר-יהוה אלי לאמר מה-אתה  
 ראה ירמיהו ואמר מקל שקד אני  
 ראה: ויאמר יהוה אלי היטבת לראות  
 כי-שקד אני על-דברי לעשותו: ויהי  
 דבר-יהוה אלי שנית לאמר מר-  
 אתה ראה ואמר סיר נפוח אני ראה  
 ופניו מפני צפונה: ויאמר יהוה אלי  
 מצפון תפתח הרעה על כל-ישבי  
 הארץ: כי והנני קרא לכל-משפחות  
 ממלכות צפונה נאם-יהוה ובאו  
 ונתנו איש כסאו פרנח ושערי  
 ירושלם ועל כל-חומותיה סביב  
 ועל כל-ערי יהודה: ודברתי משפטי  
 אותם על כל-רעתם אשר עזבוני  
 ויקטרו לאלהים אחרים וישתחוו  
 למעשי ידיהם: ואתה תאזר מרתך  
 וקמת ודברת אליהם את כל-אשר  
 אנכי אצוך אל-תחת מפניהם פן-  
 אחתך לפניהם: ואני הנה גרתיך  
 היום לעיר מבצר ולעמוד ברזל  
 ולחמות נחשת על-כל-הארץ  
 למלכי יהודה לשריה לכהניה ולעם